

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

**po Prijavi koncentracije privrednog subjekta Nomad Foods Europe Limited, 1 New Square,
Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike
Britanije i Sjeverne Irske**

**Sarajevo
setpembar, 2021. godine**



Broj: UP-03-26-1-013-14/21
Sarajevo, 15.09.2021. godine

Konkurencijsko vijeće Bosne i Hercegovine, na temelju člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. stav (5) Zakona o konkurenciji („Službeni glasnik BiH“, broj 48/05, 76/07 i 80/09), rješavajući po Prijavi koncentracije privrednog subjekta Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske podnesenoj po advokatici Dijani Pejić-Šinik, Bulevar Srpske vojske broj 17, 78 000 Banja Luka, zaprimljenoj dana 05.04.2021. godine pod brojem: UP-03-26-1-013-1/21, na 92. (devedesetdrugoj) sjednici održanoj dana 15.09.2021. godine, donijelo je

RJEŠENJE

1. Ocjenjuje se dopuštenom koncentracija na tržištu pružanja usluga proizvodnje i veleprodaje sladoleda i tržištu proizvodnje i veleprodaje smrznute hrane u Bosni i Hercegovini koja nastaje sticanjem pojedinačne kontrole privrednog subjekta Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske, nad privrednim subjektima Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske, koja se tiče sticanja pojedinačne kontrole nad društvima LEDO plus d.o.o., Čavićeva 1a, 10 000 Zagreb, Republika Hrvatska, Industrija smrznute hrane Frikom d.o.o. Beograd, Zrenjaninski put bb, 11 000 Beograd, Republika Srbija, LEDO d.o.o. Čitluk, Gospodarska zona, Tromeda broj 1, 88 260 Čitluk, Bosna i Hercegovina, IRIDA d.o.o., Petra Zrinskog 34, 43 500 Daruvar, Republika Hrvatska, LEDO Jégkrém és Fagyasztott Elelmiszer Gyártó és Forgalmazó Korlátolt Felelősségű Társaság, 2111 Szada, 089/3 hrsz., Mađarska, LEDO, podjetje za trgovinu s sladoledom, smrznjeno hrano in storitve, d.o.o., Brnčičeva ulica 45, 1231 Ljubljana-Črnuče, Republika Slovenija, LEDO d.o.o. Podgorica, Liješnje BB, 81 000 Podgorica, Crna Gora, Ledo Sh.p.k., Obiliq, Milloshevi, Kosovo, i ujedno stiče indirektnu kontrolu nad potpuno povezanim društvom Frikom d.o.o. Beograd, privrednim subjektom FRIKOM BEOGRAD DOOEL Cucer Sandevo, 20 no.243-a, Brazda, Chucher Sandevo, Sjeverna Makedonija, od prodavca društva Fortenova Grupa d.d., Marijana Čavića 1, 10 000 Zagreb, Republika Hrvatska.
2. Obavezuje se privredni subjekat Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske da uplati administrativnu taksu na Rješenje u ukupnom iznosu od 5.000,00 KM (pet hiljada konvertibilnih maraka) u korist Budžeta institucija Bosne i Hercegovine.
3. Ovo Rješenje o koncentraciji se upisuje u Registar koncentracija.
4. Ovo Rješenje je konačno i bit će objavljeno u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 05.04.2021. godine, pod brojem: UP-03-26-1-013-1/21 zaprimilo Prijavu koncentracije (u daljem tekstu: Prijava) privrednog subjekta Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske (u daljem tekstu: Nomad Foods ili Podnosilac prijave), koja se tiče sticanja pojedinačne kontrole nad društvima LEDO plus d.o.o., Čavićeva 1a, 10 000 Zagreb, Republika Hrvatska (u daljem tekstu: Ledo HR ili Ciljno društvo), Industrija smrznute hrane Frikom d.o.o. Beograd, Zrenjaninski put bb, 11 000 Beograd, Republika Srbija (u daljem tekstu: Frikom SRB ili Ciljno društvo), LEDO d.o.o. Čitluk, Gospodarska zona, Tromeda broj 1, 88 260 Čitluk, Bosna i Hercegovina (u daljem tekstu: Ledo BiH ili Ciljno društvo), IRIDA d.o.o., Petra Zrinskog 34, 43 500 Daruvar, Republika Hrvatska (u daljem tekstu: Irida ili Ciljno društvo), LEDO Jégkrém és Fagyasztott Elelmiszer Gyártó és Forgalmazó Korlátolt Felelősségű T&rsaság, 2111 Szada, 089/3 hrsz., Mađarska, (u daljem tekstu: Ledo HUN ili Ciljno društvo), LEDO, podjetje za trgovino s sladoledom, zmrznjeno hrano in storitve, d.o.o., Brnčičeva ulica 45, 1231 Ljubljana-Črnuče, Republika Slovenija (u daljem tekstu: Ledo SLO ili Ciljno društvo), LEDO d.o.o. Podgorica, Liješnje BB, 81 000 Podgorica, Crna Gora (u daljem tekstu: Ledo MNE ili Ciljno društvo), Ledo Sh.p.k., Obiliq, Milloshevi, Kosovo (u daljem tekstu: Ledo KOS ili Ciljno društvo), i ujedno stiče indirektnu kontrolu nad potpuno povezanim društvom Frikom SRB, privrednim subjektom FRIKOM BEOGRAD DOOEL Cucer Sandevo, 20 no.243-a, Brazda, Chucher Sandevo, Sjeverna Makedonija, (u daljem tekstu: Frikom NMK ili Ciljno društvo) od prodavca društva Fortenova Grupa d.d., Marijana Čavića 1, 10 000 Zagreb, Republika Hrvatska (u daljem tekstu: Fortenova Grupa).

Uvidom u podnesenu Prijavu, Konkurencijsko vijeće je utvrdilo da ista nije kompletna u smislu člana 30. stav (1) Zakona o konkurenciji („Službeni glasnik BiH“, broj 48/05, 76/07 i 80/09 (u daljem tekstu: Zakon) i čl. 9 i 11. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) (u daljem tekstu: Odluka o načinu podnošenja prijave i kriterijima za ocjenu koncentracija privrednih subjekata), te je od Podnosioca prijave zatražena dopuna iste (akt broj: UP-03-26-1-013-3/21 od dana 13.04.2021. godine).

Podnosilac prijave je dopunio Prijavu podnescima zaprimljenim pod brojem: UP-03-26-1-013-4/21 dana 27.04.2021. godine, UP-03-26-1-013-5/21 dana 14.05.2021. godine i UP-03-26-1-013-6/21 dana 06.07.2021. godine.

Konkurencijsko vijeće je aktom broj: UP-03-26-1-013-7/21 od 06.07.2021. godine zatražilo da Podnosilac prijave dopuni Prijavu. Podnosilac prijave je dopunio Prijavu podneskom zaprimljenim pod brojem: UP-03-26-1-013-8/21 dana 14.07.2021. godine.

Konkurencijsko vijeće je sukladno članu 16. stav (4) Zakona, dana 02.09.2021. godine objavilo u dnevnim novinama Obavijest o Prijavi koncentracije (akt broj: UP-03-26-1-013-10/21), u kojoj su objavljeni podaci o koncentraciji, te su pozvane sve zainteresirane strane na dostavljanje pisanih komentara u vezi provođenja iste u roku od (7) sedam dana od dana objave. Konkurencijsko vijeće u predviđenom roku nije zaprimilo komentare na Prijavu.

Nakon analize podnesene Prijave i dopuna Prijave, Konkurencijsko vijeće je dana 07.09.2021. godine (akt broj: UP-03-26-1-013-12/21), Podnosiocu prijave izdalo Potvrdu o prijemu kompletne i uredne Prijave, u smislu člana 30. stav (3) Zakona.

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Predmetna prijava je podnesena, u smislu člana 16. stav (1) Zakona o konkurenciji (Ugovora o kupoprodaji udjela, sklopljenog dana 29.03.2021. godine).

Podnosilac prijave je naveo da će zahtjev za ocjenu koncentracije osim u Bosni i Hercegovini biti podnesen nadležnim organima za zaštitu konkurencije u Srbiji, Crnoj Gori, Makedoniji, Austriji i Kosovu.

1. Učesnici koncentracije

Učesnici koncentracije su privredni subjekti Nomad Foods Europe Limited, 1 New Square, Bedfont Lakes Business Park, Feltham, Middlesex, TW14 8HA, Ujedinjeno Kraljevstvo Velike Britanije i Sjeverne Irske i LEDO plus d.o.o., Čavićeva 1a, 10 000 Zagreb, Republika Hrvatska, Industrija smrznute hrane Frikom d.o.o. Beograd, Zrenjaninski put bb, 11 000 Beograd, Republika Srbija, LEDO d.o.o. Čitluk, Gospodarska zona, Tromeda broj 1, 88 260 Čitluk, Bosna i Hercegovina, IRIDA d.o.o., Petra Zrinskog 34, 43 500 Daruvar, Republika Hrvatska, LEDO Jégkrém és Fagyasztott Elelmiszer Gyártó és Forgalmazó Korlátolt Felelősségű Társaság, 2111 Szada, 089/3 hrsz., Mađarska, LEDO, podjetje za trgovinu s sladoledom, zmrznjeno hrano in storitve, d.o.o., Brnčičeva ulica 45, 1231 Ljubljana-Črnuče, Republika Slovenija, LEDO d.o.o. Podgorica, Liješnje BB, 81 000 Podgorica, Crna Gora, Ledo Sh.p.k., Obiliq, Milloshevi, Kosovo, te FRIKOM BEOGRAD DOOEL Cucer Sandevo, 20 no.243-a, Brazda, Chucher Sandevo, Sjeverna Makedonije.

1.1. Privredni subjekat Nomad Foods Europe Limited

Privredni subjekat Nomad Foods je osnovan sukladno pravu Ujedinjenog Kraljevstva Velike Britanije i Sjeverne Irske pod registarskim brojem upisa: 05879466. Matično društvo Podnosioca prijave i njegovih povezanih društava (Nomad Foods Grupa) je Nomad Foods Limited, sa registrovanim sjedištem na Djevičarskim ostrvima, pod registarskim brojem upisa: 1818482. Dioničari Nomad Foods Limiteda su institucionalni investitori i zajednički fondovi, uz napomenu da nijedan entitet nema pojedinačnu kontrolu nad Nomad Foods Limited.

Osnovna registrovana djelatnost privrednog subjekta Nomad Foods je djelatnost proizvodnje, prodaje i distribucije brendiranih smrznutih prehrambenih proizvoda.

Nomad Foods je jedan od najvećih proizvođača smrznute hrane u Evropi i vlasnik portfolija dobro poznatih brendova smrznute hrane kao što su Birds Eye, Findus, Iglo, Aunt Bessie's i Goodfella's. Privredni subjekat Nomad Foods proizvodi, prodaje i distribuira niz brendiranih smrznutih prehrambenih proizvoda u 13 evropskih zemalja, pri čemu Ujedinjeno Kraljevstvo, Italija, Njemačka, Švedska i Francuska predstavljaju njegovih pet najvećih tržišta.

Smrznuta hrana i povrće su dvije najveće proizvodne kategorije Nomad Foods-a koje čine okvirno (..)**% i (..)**% njegovih prihoda.¹ Ove grupe proizvoda su najrasprostranjenije širom različitih evropskih tržišta na kojima je Nomad Foods aktivan. Ostale kategorije, kao što su gotova jela, smrznuta piletina i pizze čine preostalih (..)**% njegovih prihoda i više su lokalne prirode. Nomad Foods ne proizvodi, niti prodaje sladoled.

Podnosilac prijave na relevantnom tržištu Bosne i Hercegovine ne posjeduje više od (..)**% vlasničkih udjela u osnovnom kapitalu, odnosno (..)**% prava glasa u nekom privrednom subjektu, tj. nema registrirana povezana društva i nije prisutan na tržištu Bosne i Hercegovine preko distributera.

1.1.1. Ciljna društva

Ciljna društva su trenutno potpuno povezana društva Fortenove Grupe osnovane u kontekstu restrukturiranja društva Agrokor d.d. Zagreb (u daljem tekstu: Agrokor). Fortenova Grupa je 01.04.2019. godine stekla postojeće poslovanje Agrokora i svu imovinu Agrokora (osim Mercatora). Ciljna društva pripadaju segmentu grupe smrznutih proizvoda u okviru Fortenova Grupe.

¹ (..)**- Podaci predstavljaju poslovnu tajnu, u smislu člana 38. Zakona o konkurenciji

1.1.2. Privredni subjekt LEDO plus d.o.o.

Privredni subjekt Ledo HR je upisan u sudski registar Trgovačkog suda u Zagrebu pod matičnim brojem upisa: 081180418, a njegove temeljne djelatnosti su proizvodnja, prodaja sladoleda i smrznutih proizvoda maloprodajnim lancima i prehrambenoj industriji primarno u Republici Hrvatskoj. Proizvodi privrednog subjekta Ledo HR obuhvataju sladoled, morsku hranu, povrće, voće, tjesta, peciva, gotove obroke i meso.

Privredni subjekat Ledo HR je prisutan na tržištu Bosne i Hercegovine kroz prodaju proizvoda svom povezanom društvu Ledo BiH, pri čemu nije prodavao svoje proizvode trećim licima (maloprodajnim objektima niti subjektima iz prehrambene industrije).

1.1.3. Privredni subjekt LEDO d.o.o. Čitluk

Privredni subjekt Ledo BiH je upisan u sudski registar Općinskog suda u Sarajevu pod matičnim brojem upisa: 1-10174. Pretežne djelatnosti Ledo BiH su prodaja sladoleda i smrznute hrane maloprodajnim prehrambenim lancima i prehrambenim objektima primarno u Bosni i Hercegovini, te u manjem obimu u Albaniji. Ledo BiH prodaje proizvode Ledo HR i Frikom SRB, te proizvodi svoje proizvode.

1.1.4. Privredni subjekat Frikom d.o.o. Beograd

Privredni subjekt Frikom SRB je registran pri Agenciji za privredne registre Republike Srbije pod matičnim brojem upisa: 07042728. Osnovne registrovane djelatnosti Frikom SRB su proizvodnja, prodaja i distribucija sladoleda i smrznutih prehrambenih proizvoda. Glavne regionalne distributivne jedinice Frikoma SRB su: sjeverna Srbija, Beograd istok, Beograd zapad, beogradska maloprodaja, zapadna Srbija, i južna Srbija. Privredni subjekat Frikom je ostvario prihod u Bosni i Hercegovini prodajom proizvoda privrednom subjektu Ledo BiH.

1.1.5. Privredni subjekt FRIKOM BEOGRAD DOOEL Cucer Sandevo

Privredni subjekt Frikom NMK je upisan u Privredni registar i registar ostalih pravnih lica Republike Sjeverne Makedonije pod matičnim brojem upisa: 6311946. Privredni subjekat Frikom NMK je povezano društvo Frikom SRB. Privredni subjekat Frikom NMK obavlja djelatnost prodaje sladoleda i smrznute hrane maloprodajnim prehrambenim lancima i prehrambenim objektima u Sjevernoj Makedoniji i nije ostvario prihode na tržištu Bosne i Hercegovine.

1.1.6. Privredni subjekt IRIDA d.o.o.

Privredni subjekt Irida je registrovan pri Trgovačkom sudu u Bjelovaru pod matičnim brojem upisa: 010005556. Privredni subjekat Irida je aktivan u prodaji sladoleda i smrznute hrane maloprodajnim prehrambenim lancima i prehrambenim objektima primarno u Republici Hrvatskoj. U 2020. godini Irida nije ostvarila prihod u Bosni i Hercegovini.

1.1.7. Privredni subjekt LEDO d.o.o. Podgorica

Privredni subjekat Ledo MNE je upisan u Centralni registar privrednih subjekata Uprave prihoda Crne Gore pod matičnim brojem upisa: 5-0020822/027. Privredni subjekat Ledo MNE obavlja djelatnost prodaje sladoleda i smrznute hrane maloprodajnim prehrambenim lancima i prehrambenim objektima u Crnoj Gori, a u 2020. godini nije ostvario prihode u Bosni i Hercegovini. Privredni subjekat Ledo MNE je distributer proizvoda koje privredni subjekti Ledo HR i Frikom SRB uvoze u Crnu Goru.

1.1.8. Privredni subjekt LEDO Jégkrém és Fagyasztott Elelmiszer Gyártó és Forgalmazó Korltoolt Feleldsségfl T&rsas£g

Privredni subjekt Ledo HUN je upisan u evidenciju Službe za informacije o privrednim društvima Ministarstva pravde Mađarske pod matičnim brojem upisa: 13-09-074609. Osnovna djelatnost Ledo HUN je prodaja sladoleda i smrznute hrane maloprodajnim lancima i objektima na tržištu Mađarske. Ledo HUN nije u 2020. godini ostvario prihod u Bosni i Hercegovini.

1.1.9. Privredni subjekt LEDO, podjetje za trgovino s sladoledom, zmrznjeno hrano in storitve, d.o.o.

Privredni subjekt Ledo SLO je upisan u Poslovni registar Slovenije pod matičnim brojem upisa: 1216350000. Privredni subjekat Ledo SLO djeluje na tržištu prodaje sladoleda i smrznute hrane maloprodajnim prehrambenim lancima i prehrambenim objektima u u Sloveniji. Privredni subjekat Ledo SLO ne ostvaruje prihod u Bosni i Hercegovini.

1.1.10. Privredni subjekt Ledo Sh.p.k.

Privredni subjekt Ledo KOS je registrovan pri Kosovskoj agenciji za registraciju biznisa pod matičnim brojem upisa: 810385668. Privredni subjekat Ledo KOS je prisutan na tržištu Kosova kroz djelatnost prodaje sladoleda i smrznute hrane maloprodajnim prehrambenim lancima i prehrambenim objektima na Kosovu, a u 2020. godini nije ostvario prihode na tržištu Bosne i Hercegovine.

2. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije na dan 31.12.2020. godine:

Tabela 1.

R.br.	Svjetski prihod (KM)	Bosna i Hercegovina (KM)
1. Ponosilac prijave	(..)**	-
2. Ledo BiH	(..)**	(..)**
3. Ledo HR*	(..)**	(..)**
4. Frikom SRB*	(..)**	(..)**
5. Frikom NMK	(..)**	-
6. Irida	(..)**	-
7. Ledo MNE	(..)**	-
8. Ledo HUN	(..)**	-
9. Ledo SLO	(..)**	-
10. Ledo KOS	(..)**	-

Izvor: podaci iz Prijave. *Ledo HR i Frikom SRB su ostvarili prihod na tržištu Bosne i Hercegovine isključivo prodajom proizvoda Ledo BiH.

Podnosilac prijave i Ciljna društva su ispunila uslov iz člana 14. stav (1) Zakona koji se odnosi na svjetski prihod, dok nisu ostvarili uvjet prihoda na tržištu Bosne i Hercegovine u smislu člana 14. stav (1) tačka b) Zakona. U skladu sa članom 14. stav (2) Zakona u ukupni godišnji prihod iz člana 14. stav (1) Zakona, ne računa se prihod koji privredni subjekti ostvare međusobnom razmjenom. Obzirom da su Ledo HR i Frikom SRB na tržištu Bosne i Hercegovine ostvarili prihod isključivo direktnom prodajom proizvoda Ledu BiH, navedeni prihod se ne računa, pa nije ostvaren uslov iz člana 14. stav (1) tačka b) Zakona koji se odnosi na prihod ostvaren u Bosni i Hercegovini.

3. Pravni osnov i oblik koncentracije

Pravni osnov koncentracije je Ugovor o kupoprodaji udjela, zaključen dana 29.03.2021. godine (u daljem tekstu: Ugovor) između privrednog subjekta Nomad Foods i Fortenove grupe. U skladu sa Ugovorom, privredni subjekat Nomad Foods će steći (..)**% udjela u svakom Ciljnom društvu pojedinačno.

U skladu sa naprijed navedenim, na osnovu člana 12. stav (1) tačka b) pod 1) Zakona, pravni oblik koncentracije je sticanje kontrole jednog privrednog subjekta nad drugim privrednim subjektom, kupovinom većine udjela u osnovnom kapitalu.

4. Pravni okvir ocjene koncentracije

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06 i 34/10) (u daljem tekstu: Odluka o utvrđivanju relevantnog tržišta), te Odluke o načinu podnošenja prijave i kriterijima za ocjenu koncentracija privrednih subjekata.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekat djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uvjeta tržišne konkurencije na susjednim geografskim tržištima.

Konkurencijsko vijeće je utvrdilo da, obzirom na prirodu poslovnih djelatnosti koje obavljaju učesnici koncentracije, postoje dva relevantna tržišta i to tržište pružanja usluga proizvodnje i veleprodaje sladoleda i tržište proizvodnje i veleprodaje smrznute hrane.

Konkurencijsko vijeće je utvrdilo da je relevantno tržište predmetne koncentracije u geografskom smislu tržište Bosne i Hercegovine.

Slijedom navedenog, pod relevantnim tržištima predmetne koncentracije, smatrat će se tržište pružanja usluga proizvodnje i veleprodaje sladoleda u Bosni i Hercegovini i tržište proizvodnje i veleprodaje smrznute hrane u Bosni i Hercegovini.

6. Analiza tržišta koncentracije

Pregled tržišnih udjela učesnika koncentracije i glavnih konkurenata na tržištu proizvodnje i veleprodaje sladoleda u Bosni i Hercegovini za 2020. godinu:

Tabela 2.

R.br	Privredni subjekat	Tržišni udjel
1.	Ledo BiH, Ledo HR i Frikom SRB	(..)**%
2.	Andrea & Giovanni	(..)**%
3.	Delta d.o.o. Split	(..)**%
4.	Nomad Foods	(..)**%
5.	Froneri	(..)**%

6.	Ice Planet & Co	(..)**%
7.	Incom d.o.o.	(..)**%
8.	Kilargo	(..)**%
9.	Ljubljanske mlekarne	(..)**%
10.	Mars	(..)**%
11.	Nestle	(..)**%
12.	Privatne robne marke	(..)**%
13.	Takovo/Swisslion Takovo	(..)**%
14.	Unilever	(..)**%
Ukupno		(..)**
Ukupno (1+4)		(..)**

Izvor: Nielsen.

Pregled tržišnih udjela učesnika koncentracije i glavnih konkurenata na tržištu proizvodnje i veleprodaje smrznute hrane u Bosni i Hercegovini za 2020. godinu:

Tabela 3.

R.br	Privredni subjekat	Tržišni udjel)
1.	Ledo BiH, Ledo HR i Frikom SRB	(..)**%
2.	Agifish Co	(..)**%
3.	Ancora Nuova	(..)**%
4.	Andrea & Giovanni	(..)**%
5.	Nomad Foods	(..)**%
6.	Aviko	(..)**%
7.	Bonduelle	(..)**%
8.	Eko Pek	(..)**%
9.	Fratello Trade	(..)**%
10.	Jami	(..)**%
11.	Klas	(..)**%
12.	Leut	(..)**%
13.	Lutosa S.A.	(..)**%
14.	MBA Centar	(..)**%
15.	Moccain Foods Holland	(..)**%
16.	Moka	(..)**%
17.	Privatne robne marke	(..)**%
18.	Sprind	(..)**%
19.	Tropic Ribarstvo	(..)**%
20.	Viciunai Group	(..)**%
21.	Yimor	(..)**%
Ukupno		(..)**
Ukupno (1+5)		

Izvor: Nielsen.

Na temelju podataka prikazanih u Tabelama 2. i 3., Konkurencijsko vijeće je utvrdilo da su Ciljna društva (Ledo BiH, Ledo HR i Frikom SRB) u 2020. godini imala tržišni udjel od (..)**% na tržištu

proizvodnje i veleprodaje sladoleda u Bosni i Hercegovini i tržišni udjel od (..)**% na tržištu proizvodnje i veleprodaje smrznute hrane u Bosni i Hercegovini, što znači da su imala dominantan položaj na navedenim relevantnim tržištima, dok Podnosilac zahtjeva nije uopće bio prisutan na relevantnim tržištima predmetne koncentracije.

Slijedom navedenog, učesnici koncentracije ispunjavaju uslove iz članka 14. stavak (1) tačke b) Zakona koji se odnose na tržišni udjela od preko 40%, te su bili u obavezi podnijeti Prijavu.

7. Ocjena koncentracije

Konkurencijsko vijeće je analizom podataka iz Prijave u smislu člana 17. Zakona, ocijenilo da provođenje predmetne koncentracije ne vodi horizontalnom preklapanju aktivnosti učesnika koncentracije na tržištu pružanja usluga proizvodnje i veleprodaje sladoleda u Bosni i Hercegovini i tržištu proizvodnje i veleprodaje smrznute hrane u Bosni i Hercegovini, obzirom da Podnosilac prijave nije prisutan na pomenutim relevantnim tržištima u Bosni i Hercegovini.

Konkurencijsko vijeće je zaključilo da se provođenjem koncentracije ne sprječava, ograničava niti narušava tržišna konkurencija na relevantnim tržištima pružanja usluga proizvodnje i veleprodaje sladoleda i tržištu proizvodnje i veleprodaje smrznute hrane u Bosni i Hercegovini, jer predmetna koncentracija predstavlja samo promjenu većinskog vlasništva nad Ciljnim društvom i ulazak Podnosioca prijave na tržišta pružanja usluga proizvodnje i veleprodaje sladoleda, te proizvodnje i veleprodaje smrznute hrane u Bosni i Hercegovini.

Imajući u vidu navedeno, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) Zakona, te odlučilo kao u tački 1. dispozitiva ovoga Rješenja.

8. Administrativna taksa

Podnosilac prijave na ovo Rješenje, u skladu sa članom 2. Tarifni broj 107. tačka d) pod 1) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, broj 30/06, 18/11 i 75/18) je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Dr.sc. Amir Karalić